

## UGOVOR

o nabavci usluga - pregled i održavanje sistema klimatizacije, grijanja i hlađenja ( KGH )

Zaključen 30.11.2022. godine između sljedećih ugovornih strana:

Općinski sud Tuzla, ul ZAVNOBIH bb. 75000 Tuzla, ID broj: 4209391920002, koji zastupa predsjednik suda Dr.sci. Muhamed Tulumović, s jedne strane (u daljem tekstu: Naručilac)

i  
ZI-MI d.o.o. doo Tuzla, ul Armije BiH 34., 75000 Tuzla, ID broj: 4209763060005, koga zastupa Direktor, Zinaid Kovačević, dipl. inž.el. ( u daljem tekstu: Izvođač).

### Član 1.

Predmet ovog ugovora je nabavka usluga – održavanje uređaja KGH ( klima, grijanje i hlađenje ) u objektu Općinskog suda u Tuzli na adresi Tuzla, ulica ZAVNOBIH bb., u period od 12 mjeseci, koja obuhvata:

- Godišnji (sezonski) pregled sistema KGH prije početka i na kraju sezone grijanja/hlađenja
- Investiciono – interventno održavanje uređaja KGH na poziv Naručioca.

Redovno i interventno održavanje će se provoditi u svemu prema uvjetima datim u ponudi Izvođača broj 1-30-11/2022 od 30.11.2022. godine koja čini sastavni dio ovoga ugovora.

### Član 2.

Obim i struktura usluga koje će izvršiti izabrani izvođač. definisani ponudom 1-30-11/2022, koja je sastavni dio Ugovora. Jedinične cijene date u ponudi su fiksne i nepromjenljive.

### Član 3.

Vrijednost usluga održavanja sistema KGH iz člana 1 i 2 ovog ugovora za period od 12 mjeseci ukupno iznosi 3.250,00 KM, bez obračunatog PDV-a, odnosno 3.802,50 sa obračunatim PDV-om.

### Član 4.

Ugovorne strane saglasne su da će plaćanje vršiti na šestomjesečnom, odnosno mjesečnom nivou za interventno održavanje, u roku od 15 dana od dana ispostavljenih faktura.

### Član 5.

Ugovorne strane su se sporazumjele da su obaveze naručioca:

- obezbjediti nesmetan pristup objektima i prostorijama predviđenim za pregled,
- u slučaju uočavanja bilo kakvih problema na sistemima, koji su predmet održavanja po ovom ugovoru, obavijestiti izvođača, kako bi se po prioritetu otklonili ti nedostaci i uspostavio nesmetan rad i
- odrediti predstavnika koji će biti kontakt osoba za komunikaciju sa tehničkom podrškom izvođača.

### Član 6.

Ugovorne strane su se sporazumjele da su obaveze izvođača:

- da će sve radove koji su predmet ovog ugovora izvršiti kvalitetno, prema važećim tehničkim propisima,

- da će po načelu prioriteta intervenisati na poziv naručioca, vodeći pri tome računa o radnom režimu naručioca, kojem režimu će i prilagoditi sve preduzete radove,
- da će po pozivu naručioca o svom trošku otkloniti sve nedostatke i eventualne kvarove u sistemu KGH, koji se odnose na uslugu održavanja sistema i
- da će za sve novougrađene komponente, koje su dio sistema, izvršiti fakturisanje prema vežećem cjenovniku i realnim tržišnim cijenama.

#### Član 7.

Ugovorne strane su se sporazumjele da će ovaj ugovor, svi budući aneksi, te drugi dokumenti koji će nastati kao rezultat poslovne saradnje, predstavljati poslovnu tajnu, koju su obje ugovorne strane dužne čuvati i nakon eventualnog prestanka poslovne saradnje.

#### Član 8.

Rok za početak izvršenja usluga iz člana 1 ovog ugovora je 01.12.2022. godine. Ovaj ugovor stupa na snagu kada ga obje ugovorne strane potpišu, na rok važenja od 12 mjeseci od dana potpisivanja.

#### Član 9.

Izvođač se obavezuje da će usluge iz ovog ugovora izvršiti u skladu sa važećim propisima, standardima i pravilima struke, da će obavijestiti kontakt osobu ovlaštenu od naručioca o svim eventualnim radovima i pruženim uslugama.

#### Član 10.


Ugovorne strane su saglasne da će ovaj ugovor poštovati obostrano, uz napomenu da svaka od ugovornih strana, može prekinuti ugovor, ukoliko se druga strana ne pridržava ugovorenih obaveza.

#### Član 11.

Sve sporove koji proisteknu u realizaciji ovog ugovora, ugovorne strane će sporazumno rješavati, a u slučaju da sporazum nije moguć, spor će rješavati nadležni sud u Tuzli.

#### Član 12.


Ovaj Ugovor sačinjen je u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

Davalac usluga  
  
 Zinaid Kovačević, direktor

br: 25/2022

Datum: 30.11.2022. god



Naručilac usluga  
  
 Dr. sci. Muhamed Tulumović, predsjednik suda

br: 032-0-Su-22-000 828-2

Datum: 30.11.2022

